



Asii Chemnitz Narup
Inatsisartuni ilaasortaq, Inuit Ataqatigiit

**Ilinniarnermik aallartitsisartut naammassisartullu amerlassusiisa ineriartornerat
pillugit, piginnaasat pisariaqartinneqartut kiisalu ilinniartitsinermut
Siunnersuisoqatigiit pilersinneqarnissaat pillugu § 37 naapertorlugu nr. 131/2023
apeqqutinut naqqiut**

18-10-2023
Suliap normua: 2023 - 3471
All. nr. 23347149

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Asii Chemnitz Narup,

Inatsisartut suleriaasiat naapertorlugu apeqqutinnut qujanaq.

Aallaqqaasiutigalugu paasissutissiissutigissavara Naalakkersuisut Ilinniartitaanermut
[pilersaarummik](#) saqqummersitseqqammermata, tassanilu suliassaqarfimmi tassani
ineriartornerit kingullit nassuiarneqarlutillu misissoqqissaarneqarlutik.

Apeqqutigineqartut tullinnguuttumi akissuteqarfigissavakka.

Uloq 7. september 2023 apeqqutip uuma akineqarnerata kingorna Ilinniartitaanermut,
Kultureqarnermut, Timersornermut Ilageeqarnermullu Naalakkersuisoqarfimmit
maluginiarneqarsimavoq, titartagaliusaaq 5 aamma titartagaliusaaq 6
nutarterneqartariaqartut. Erseqqissaaneq tamanna akissuteqaatip imarisaanut
siunniuteqanngilaq, kisiannilu nunani allami paasissutissanut tunngavissat
erseqqissarneqarlutik.

Taamaattumik tulliuttuni apeqqutit akineqarnerannut tamakkiisumik uteqqiinerinnaavoq,
taamaattorli titartagaliusaaq 5 aamma titartagaliusaaq 6 erseqqissarneqarsimallutik.


Apeqqut 1: Nunatsinni ilinniarfinni tamani ilinniarnermik aallartitsisartut
naammassisartullu amerlassusaasa ineriartornera pillugu Naalakkersuisoq qanoq
paasissutissiisinnaappat?

Akissut: Nuna tamakkerlugu GUX-imik aammalu EUD-imik kiisalu ilinniarfinni
ingerlaqqiffiusuni ilinnialersartut amerlassusaat annikitsumik ikiliartorput. Tamanna
innuttaasut katitigaanerisa ineriartorneranut attuumassuteqarsinnaavoq. Ilinniakkani
assagiinngitsuni ilinnialersartut suaiaassusaat assigiinngitsorujussuupput -
assersuutigalugu ilinniakkani ingerlaqqiffiusuni arnat ilinniartut amerlanerupput. Ukiuni
2013-2022 ilinnialersut massakkut ineriartorneri titartagartaliussani 1-imi aamma 2-mi
takuneqarsinnaapput.


Nuna tamakkerlugu ilinniakkaminnik naammassinnittartut aalaakaapput. Ukiulli ilaani
nikingalaartarput, pissutsilli malinnaaffigeqqissaarneqarput. Ilinniartut ilinniaannarnissaat
anguniarlugu suliniutit arlallit ineriartortinneqarsinnaapput, soorlu

ilinniarnertuunngorniarfinni illinniartut immikkut pisariaqartitsisut tapersorsorneqartarnerinik allartitsisoqarsimasoq. Piffissat naammassiffiusartut annikillinissaat GUX-imillu naammassisartut ilinniagaqalerlutik ingerlaqqittarnissaat annertuumik malinnaaffigineqarputtaa. Ukiuni 2013-2022 naammassisartut ineriartorneri titartagartaliussami 3 aamma 4-mi ataaniittuni takuneqarsinnaapput.

Titartagartaliussaq 1: Kalaallit Nunaani GUX-imik aamma EUD-imik illinigaqarlutik aallartittut




Titartagartaliussaq 2: Kalaallit Nunaanni ingerlaqqiffiusumik ilinniagaqarlersartut



Titartagartaliussaq 3: Kalaallit Nunaanni GUX-imik aamma EUD-imik naammassisut



Titartagartaliussaq 4: Kalaallit Nunaanni ilinniakkani ingerlaqqiffiusuni naammassisut




Apeqqu 2: Kalaallit Nunaata avataani ilinniartut ilinniarnermik aallartitsisartut naammassisartullu amerlassusaasa ineriartornera pillugu Naalakkersuisuq qanoq paasisstissinnaappat?

Akissut: Ilinniartut 15% missaat Kalaallit Nunaata avataani ilinniartut – tamangajammik Danmarkimi. Danmark ukiuni aggersuni annertuumik pingaaruteqartussaavortaaq, ilinniagassat tamarmik suli nunatsinni neqeroorutigineqarneq ajormata aammalu kalaallinut immikkut aqqissuussineq naapertorlugu Danmarkimi ilinnialersinnaammata.


Kalaallit Nunaata Danmarkillu avataani ilinniagaqartut ikittuinnaat ilinniakkaminnik naammassinnittarput.

Ukiuni 2013-2022 ilinnialersartut ineriartorneri titartagartaliussami 5 aamma 6-imi ataaniittuni takuneqarsinnaapput.

Titartagartaliussaq 5: Nunani allani GUX-imik EUD-imillu ilinnialersartut




Titartagartaliussaq 6: Nunani allani ilinniakkanik ingerlariaqqiffiusuni ilannialersartut




Ukiuni 2013-2022 naammassisartut ineriartorneri titartagartaliussami 7 aamma 8-mi ataaniittuni takuneqarsinnaapput.

Titartagartaliussaq 7: Nunani allani gymnasieni EUD-inilu naammassisut



Titartagartaliussaq 8: Nunani allani ingerlaqqiffiusumik ilinniakkaminnik naammassisut



Apeqquut 3: Atorfiit nammineq innuttatsinnik inuttalersinnaajumallugit nunatsinni piginnaasat suut amigaatiginerigut pillugit Naalakkersuisut qanoq paasissutissiisinnaappat?

Akissut: Suliffissat ineriartortuarput suliffissallu nutaat immikkut ilisimasaqarlutillu piginnaasalinnit pisariaqartitsillutik. Tamatuma kingunerisaanik suliffissaqartitsiniarnermut politikki ilinniarsimanngitsut piginnaanngorsarneqarnissaanut sammitinneqarpoq ullumikkullu sullissinerup qaffasissusaa ataannassappat amerlanerit inuussutissarsiutitigut piginnaasaqalerfiusumik ilinniagaqalertariaqarput. Suliffeqarfii pisariaqartitaasa inuttaasullu piginnaasaasa ilinniarsimasaasalu oqimaaqatigiissuunissaat Naalakkersuisut pimoorullugu sulissutigaat. Piginnaanngorsartarnerit sulissutigineqarnerisa saniatigut ungasissumit ilinniartitsinerit aqqutigalugit ilinniartitsinissamut periarfissat annertusarneqarput sapinngisamik ilinniagaqartut amerlasuut inuiaqatigiinnut iluaqutaalersussamik ilinniagaqalersinnaaqqullugit. Pissutsit taamaakkaluartut sulisunik assigiinngitsunik ilinniarsimasunik nuna tamakkerlugu amigaateqartoqarpoq inuiaqatigiinnilu suliffiit assigiinngitsut eqqarsaatigalugit avataanit tikisitsisarnissarput suli pisariaqassalluni. Annerusumik paasisaqarusuttunut [Naalakkersuisut suliffeqarfii pillugit nalunaarusiaat](#) aamma [Naalakkersuisut ilinniartitaanermit periusissiaat](#) innersuussutigineqarput.

Apeqquut 4: Ilinniartitaanermit Siunnersuisoqatigiinnik pilersitsissamik kalerriutigineqarnikuusamut tunngatillugu suliame Naalakkersuisut qanoq siuartigippat?

Akissut: Ilinniartitaanermit Siunnersuisoqatigiinnut tunngatillugu suliassap allaaserineqarneranik Ilinniartitaanermit, Kultureqarnermut, Timersornermut Ilageeqqarnermullu Naalakkersuisoqarfik suliarineqaleruttorpoq. Suliassap allaaserineqarnera 2023-p naannginnerani saqqummersinnissaa naatsorsuutigineqarpoq pilersitsiortornerit 2024-p aallartinnerani pisinnaaqqullugit.

Inussiarnersumik inuulluaqqusillunga



Aqqaaluaq B. Egede